

INUIT ATAQATIGIIT

INATSISARTUNI



UPA 2014/139.1
20. marts 2014
Naaja H. Nathanielsen

Uunga siunnersuut: Erngup nukingata innaallagissionermut atorneqartarnera pillugu Inatsisartut inatsisaat nr. x, x. [qaammat] 2014-imeersoq
(Avatangiisinut Pinngortitamullu Naalakkersuisoq).

Inuit Ataqatigiit isumaqarpugut inatsisissatut siunnersuut maanna pineqartoq akuerineqartinnagu allanngortinneqartariaqartoq. Taamaammat Inuussutissarsionermut Ataatsimiititaliamut suliarisassanngortillugu innersuussutigarpugut.

Malugaarput tusarniaaffiit arfinillit inatsimmut allannguutissatut siunnersuuteqarsimasut. Tamakkuli allannguutissatut siunnersuutiniq ilaqarput inatsimmik suliarinninnermut ilaatitineqarsimanningsunik. Taamaammat tusarniaanermut akissuteqaatit tamakkiisut tamarmik ataatsimiititaliamut oqqunneqarnissaat matumuuna qinnutigissavarput. Tamatuma saniatigut Peqqissutsimut Attaveqarnermullu Naalakkersuisoq immikkut qinnuigissavarput inatsimmut allannguutissatut siunnersuutini pillugit nalunaajaateqaqqullugu.

Inuiaqatigiinnut isumaqarluassappat inatsit Inuit Ataqatigiit allanngortikkusussinnaavarput. Kisiannili ingerlatsiviup ataasiinnaap piumasaa piinnarlugu inatsit allanngortikkusunngilarput. Malunnartorujussuuvoq Alcoap piumasaa piinnarlugu arlalinnik allannguutissatut siunnersuusiortoqarsimasoq. Taamaattoqartoq qassiitigut erserpoq. Taamaammat ataatsimiititaliaq qinnuigissavarput inuiaqatigiinnik kalaallinik eqqarsaatiginninneq aallaavigequllugu, suliffiup ataatsip isumaqatiginninniarnerni piumasaliai aallaaviginagit.

Tamatuma saniatigut Inuit Ataqatigiinnit makkuninnga oqaaseqaatissaqarpugut:

Kissaatigaarput ataatsimiititaliaq inatsisip atuutilerfissaanut killiliussatut siunnersuutigineqartoq pillugu isummissasoq. 1 MW inatsisissatut siunnersuummi killiliussassatut siunnersuutigineqarpoq. Killiliussa q taanna tulluartaava imaluunniit allanngortinnissaa iluaqutaaginnassannginnerpa?

Naalakkersuisut allakkat suliniutinik oqartussaasutut suliarinninnermut atatillugu suliasamat tunngasutigut ilisimasaqarsinnaatitaanermut pisussaajunnaarsitaalersikkusuppaat. Taamatut kissaateqarneq qularnartoqartipparput tamatumalu tamat oqartussaaqataanerannut sunniutissai sukumiisumik qulaajarneqassasut ataatsimiititaliaq qinnuigaarput.

Ukiuni 80-ini piusussanik akuersissutinik tunniusserusuttoqarnera qularnartoqartipparput. Eqqarsaatigisassaq tamanna ataatsimiititaliap immikkut isummerfigisassaa kissaatigaarput. Oqaatigineqarpoq taamaaliornissaq aningaasaliisussarsioniarluni pisariaqartoq, imaassinnaavorli tamanna allatut iliorluni anguneqarsinnaagaluartoq. Aningaasaleerusuttut piumasaannik inuiaqatigiillu kalaallit naleqquttuusorisaannik naligiissitsilluni aaqqiisoqarnissaa pisariaqarpoq.

Suliniutinik ingerlatsisoqartillugu kalaallinik sulisoqarnissaq kalaallilu suliffiinik atuinissaq piumasaqatigineqartassasoq qinnutigarpugut. Inatsisissatut siunnersuutip oqaasissioneragut erserpoq taamatut piumasaqaateqartoqarniannigisoq.

Ataatsimiititaliaq qinnuigaarput innuttaasut soqutigisaaqatigiiffiillu maalaarsinnaatitaanerat nalilersoqqullugu. Tamanna naammattumik qularnaarneqarpa? Kommunit eqqaassan-

ngikkaanni allanuttaaƙ atuuttumik maalaarsinnaatitaanermik tusarniuuteqartitsiner-
milluunniit massakkorpiaq allassimasoqanngilaq.

Siunnersuut pillugu ataatsimiititaliaq sulilluarnissaanik kissaapparput neriulluta soqutigisa-
qartorpassuit tusarniaanermut akissuteqaateqarsimasut peqataatissagai.